

李雨村新詩話

南村詩話卷十五

綿州童山老人李諤元

顧寧人云天之行謂之歲書以閏月定四時成歲歲二月東巡狩是也人之行謂之年書呂命王享國百年左傳季隗曰我二十五年矣是也今人多以年爲歲誤也
濰縣孝廉朱草亭若賓有贈內云夫婦貧多愛遠離常苦悲並無三尺婢只有一年兒寂寂庭中草蕭蕭機上絲那堪窻月冷寒鴈數聲遲一年兒卽所謂一歲兒也正與古合非因調而改字也

韓朝衡錢塘人乾隆三十一年丙戌進士改庶吉士散

館分吏部考功司主事有翰林改部曲四齣寫得情景如繪其一齣云。幾曾見傘扇旗鑼紅黑帽。叫各官從來不坐轎。只一輛破車兒代腿跑。賸有個跟班的夾墊馱。已。傍天明將驟套。再休題遊翰苑。三載清標只落得進司門。一聲短道。二齣云。大人的聰明洞照。相公的度量容包。小司官登答周旋。敢挫撓。從今那後容高傲。少不得講稿時點頭播腦。說堂時垂手呵腰。三齣云。公堂事了。拜客去西頭。路須先到。借債去東頭。路須親造。巫歸家。槩閉溝。開沿路繞。淡飯兒剛一飽。布被兒剛一覺。怎當得有個人兒。細把家常道。四齣云。道則道。非絮叨。你

清俸無多用度饒。衙門裏租銀絕早。家人的公食嫌少。這一隻破鍋兒等米淘。那一隻寒爐兒待炭燒。且休管小兒索食傍門號。怎當得這啞巴生日無愁草。況明朝幾家分子典當沒絲毫。此曲京中盛傳。凡酒席詩壇無不互相背誦。以爲笑樂。惜不記其牌名。曾對余言。用牡丹亭尾齣亦未深考也。韓子丁酉年卓異。八月陞惠潮嘉道。未幾歸。

歷城劉此亭伍寬。己酉選拔。屢試不第。嘗言憂觀見已名列第六而下。注一制字。俄而丁艱。以語同里薄履青。薄笑曰。君今衣白矣。不當以履青代耶。履青名曰堅。是

科薄果中第六名有夜坐詩云。棗花簾子碧紗。散髮
何人坐讀書。行到中庭明似晝。闌干高挂玉蟾蜍。又有
句云。秋風瓜架酒。夜雨竹簾燈。亦工。

江寧馬秋田幾先詩多杰句。如泊臨江寺句。二更聞雁
月在水。半夜打鐘天有霜。不減唐人有。赭山夜歸云。入
夜路難辨。葉聲疑鬼神。山荒鳥叫月。村黑犬欺人。塔影
暗相失。燈光遙可親。偶然聞戍鼓。彷彿近城闌。三四與
合。凡記鴻侶。荒雞啼野水。獨犬吠寒星。皆工于寫夜景
者。

李之彥云。常玩錢字。旁着兩戈字。直殺人之物。而人卒

不悟然則兩戈爭貝豈非賤乎五代錢鏐王諱錢字爲
金朱內地鴛鴦棹歌云如今世上錢神貴地下劉伶改
姓金蓋深有感也成都許水南儒龍云入山未遽能餐
玉處世先須善點金亦是此意

常熟蔣渭公伊康熙癸丑進士由庶吉士改御史祈嗣
於靈巖夢文禪僧指執錫二童子爲之子因舉長子陳
錫乳名文生後爲雲貴總督嘗自謂命中應得二子久
之夢中堂曝錦被一床一龍盤裏其間適佃戶曹姓携
其女遂租至年甫十餘歲裹舊錦衣嬉笑公大驚遂留
納之生文肅公廷錫公在內廷應制詩最多皆壯麗

絕倫有東征凱旋遇雨詩云望裏新豐玉帳垂涼颼拂
拂雨初時沙隄組練三千丈御道天閑十二騎萬里關
河騰露布九霄膏澤濕雲旗歸來奏凱芙蓉闕笑獻橫
戈馬上詞

曹少農竹虛文壇工書與彭冢宰芸檣元瑞沈少宰雲
椒初金閣學聽濤士松入直內廷繕寫泥金佛經世
所傳經生四人也曾典試江西以清真取士余自粵歸
問所得人才幾何俱以小摺記載分經生文生二種愛
才如此嘗補題先北路公滋蘭圖云草木由天生栽培
借人力譬諸彼小民撫字賴循吏先生居官始卽具此

良意種花寫種蘭。披圖識深義。蘭心不染塵。言寓潔清
志。蘭馥可爲佩。用恰冲和氣。春風次第吹。甘露霏微奏。
仍以民歌之。比德君子貴。天亦鑒其心。蘭階起嘉瑞。
憂樓先生自臨安守歸吳中。久不得音。癸未二月余
在京閉戶養病。夢憂樓先生來京補官。燕坐如平時。坐
中出詩一首。中有趙北燕南新驛路。柯亭劉井舊瀛洲。
句極自得意。相與大笑而寤。忽門外剝啄聲傳。中翰顧
星橋新自南來。拜謁問疾。因見之。問先生踪跡。云已歸
里。不出山矣。袖中出先生送別星橋詩云。正擬都門作
壯遊。維駒爲我暫勾留。巨觥低唱春釃酒。小海爭迎夏

統舟趙北燕南新驛路柯亭劉井舊瀛洲烟雲伴侶如
相憶爲報清江有釣鉤聞至五六爲之訝然其驚爲奇
夢

滄州張呂輔好談怪先北路公牧滄時嘗過余談怪言
南皮侯生初與狐爲夫妻伉儷甚篤逝不相負後忽別
娶洞房時哭聲若風霆有手大如箕從窗入攫侯生而
去家人遍覓不得後忽于土神祠中聞聲如牛而門以
土墻啟其戶出則昏矣亟治幸免曾言於紀曉嵐笑曰
此真乘龍壻也紀戲作詩云到手良緣事竟違春風空
自鎖雙扉人間果有乘龍壻夜半居然破壁飛此雖紀

寓言實佳唱也

粵東梁裕堂赴京過白溝河在逆旅午餐見有驛車載
婦女住對屋中飯畢去偶步入見壁上新題一眼兒嬌
詞云垂楊裊裊映回汀作態爲誰青可憐弱絮隨風來
去似我飄零濛濛亂點羅衣映相送過長亭下寧囑汝
沾泥也好莫化浮萍梁訝曰此妙語也有厭倦風塵之
意遂日逐同行至京遣小奴記其下車處後宛轉物色
竟納爲小星兩不相期偶然湊合竟以一詞爲媒亦奇
矣

梅都官云詩之工者寫難狀之景如在目前含不盡之

意見于言外此言是仙丹徒于江干京秋月蝕云自滿
定知多外侮處高原忌太分明錢塘李雪樵秉懷弟云
家業似星當曉日世情如草易秋霜皆不盡之意大興
袁保候暮春云天遠望窮飛去鳥春寒誤盡早開花懷
寧魯星村瓊七律句云積雨頻添千澗水新晴忽挂一

江帆江陰張時升晚泊云野墅垂楊沽酒肆短籬江樹
賣魚家上元陳春山仁望江樓云帆迎檻外如將落水
到雲邊似不流含山嚴花園之熊寒夜云夜消簷雪聲
如雨火剩爐灰燼類螢江都余萬翁元甲步城東云亂
鳬共浴野塘水一蝶獨尋寒菊花桐鄉釋明中泛湖云

青蔥船頭山影重。紅移波面岸花明。皆難狀之情也。
三葑亭友亮方正學墓云。十族同時無姓字。一言終古
有君臣壓倒前人。

張薌圃仲芳與余交至相厚。夫人頗有河東之風。年五
十尙無子。未謁選時。嘗館于少農蔣虛齋李廣橋。賜
第卽所謂秀寫蓬壺者。待之甚厚。欲送一婢以延嗣。薌
圃畏不敢承。遂止。後卓異進京。見少農。問尙乏嗣。曰不
可緩矣。盡出諸婢。置帷幄中。各申一手。從穴中出。令檢
之。合意者以環約其指。薌圃見一婢子。手白如瓠。以環
約其指出之。則麻婢也。薄爲置裝奩。送之。薌圃載歸。至

安而夫人亦厭其麻不復置問然止服役不與衾裯余
嘗有哀向吼聲求柳氏可容搔癢倩麻姑之句戲之婢
未幾遣去菊圃後謫宮重赴巴臺有詩云失樹飛禽何
處投號呼竟夜不曾休憑誰寄語江湖燕又逐何方鷺
與鷗蓋謂是也

蜀藩楊荔裳揆夜山句云月明鴉誤曉露重鶴知涼極工
窯器並無其書准監朱孝廉笠亭琰博古士也著陶說
六卷分說今說古二門古則自古迄明今則自乾隆八
年管九江關唐英出內廷交出陶冶圖二十張作圖
說進呈並更加考訂其說大備蓋自明以上皆太監派

民今則鳩工庀材勲文內府按時給直不但不累民而
且便于民矣然所引雖博但以古而論尙有杭州新平
鐘素瓷唐貞觀時最有名而最久又武林吳氏繡谷所
藏八百酒器以今而論則有楊中丞建嘗監窯務有酌
定事宜書邵遠平請禁窯器寫年月以爲惜字一端俱
未數其典而錄其文不無遺恨然余素不喜用窯器以
其易缺易壞不經搬也王心齋同年嘗以磁花盆六個
送余有詩謝云六個宣窯送到門衰年長怕受人恩只
愁老樹生來醜不慣磁盆慣瓦盆

高白雲先生嘗言上元遇道人字鶴雛喜琴能詩閒居

云大道得從心死後此身錯在我生前又雨中破壁蝸
留篆醉後餘腥蟻起兵暑雨驟來雲似馬涼風掠去水
生鱗又榆錢云風落榆錢點碧苔花間細數幾徘徊只
因未鑄開元字浪擲春光買不回有無窮感慨
今人奇句竟有古人所不到者山陰俞楚江瀚句云水
流明月亂風靜白雲癡又春風甦凍柳殘雪老青山岸
澗村浮水天低鳥負雲上元周含卉發春云才霽天如
人醉起獨行雲讓鳥先飛皆古人未有也

錢塘詩人最多未能遍錄曾記數聯如陸豫庭過平望
句云網魚船小風無礙賣酒帘高雨不收李雪樵秉遺

夏句云風墮蟬聲盤樹脚日移水影篆簷牙五言燈花
句云窺人微有暈擲地碎無聲曉起句云樹涼團鳥夢
窻曙觸癡蠅袁翠圃所宿息滋草堂云空潭沉夜色落
葉走秋聲又鄭荔莊奇樹舟中云日脚斜飛雨潮頭轉
鬪風皆有奇思

安南探花阮輝儼能詩甲午秋余典試粵東出涿州見
店壁詩云遠捧芝綸萬里來烟雲繞向馬頭開客囊衣
在縫仍密帶得平安兩字回題安南探花阮輝儼題後
過恩縣又見壁間題云仲春烟景柳絲斜脊雅三章荷
拜嘉舜目重瞻瞻舞罷留中原穩駕指南車後署云乾隆

丁亥年二月二十五日回程作署名亦全近見蒲城雷
松舟國楫出所著燕遊日記中言魯見探花修身銀面
烏鬚飄然冠我冠衣裹衣濶領長袖翩翩欲仙儼然
圖畫中人曾于乾隆三十四年二月十三日至濟寧州
開瑞神祠壁上復見輝僅有徐閨遇雪賦詩一首四斤
分司造化功元冥戒令已成冬朱提染出江湖色白玉
妝來世界中挿漢蒼松偏傲雪迎風柔柳欲鞭空春光
走漏好消息先到梅稍露粉容又三十五年過淮陰漂
母祠復見輝僅一絕云咄嗟一飯進王孫何似晨炊不
耐煩立志本無關望態千金難買怒時言署云丁亥春